



UPRAVA POLICIJE

Broj: 05-04/04-2-30- 715 /24
Datum: 04.07.2024. godine

Na osnovu člana 27. stav (3) a u vezi sa članom 26. Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“, broj: 13/16, 16/17 i 8/24), člana 42. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17 i 15/20) i Pravilnika o uslovima i načinu odabira kandidata za prijem u organ državne službe na određeno vrijeme (“Službeni glasnik Unsko-sanskog kantona”, broj: 23/17), zamjenik direktora Uprave policije Ministarstva unutrašnjih poslova Unsko-sanskog kantona Bihać, objavljuje:

JAVNI KONKURS

**za prijem državnog službenika na određeno vrijeme u Upravi policije
Ministarstva unutrašnjih poslova Unsko-sanskog kantona**

I Naziv radnog mjesta i broj izvršilaca

01. Prva policijska uprava
Policijska stanica Bosanski Petrovac
Stručni saradnik za provođenje propisa o oružju..... 1 (jedan) izvršilac.

II Razlog zbog kojeg se vrši prijem

Prijem u radni odnos na određeno vrijeme vrši se radi obavljanja neodložnih poslova čije bi odlaganje moglo prouzrokovati neizvršenje radnji koje je ovaj organ dužan poduzeti u rokovima određenim zakonom ili njegovim provedbenim propisima.

III Period trajanja radnog odnosa na određeno vrijeme

Prijem u radni odnos na određeno vrijeme vrši se najduže do 1 (jedne) godine dana.

IV Opis poslova radnog mjesta

Stručni saradnik za provođenje propisa o oružju: prati i istražuje promjene i pojave iz oblasti Zakona o oružju i municiji, Zakona o prometu eksplozivnih materija i zapaljivih tečnosti i Zakona o kontroli kretanja oružja i vojne opreme; stara se o raspolaganju sa oduzetim oružjem, prometom oružja, čuvanjem i smještajem oružja i municije od strane pravnih lica koja se bave prometom oružja i municije, streljačkih organizacija, organizacija koje gazduju lovištem i pravnih lica; organizuje pregled oružja; vodi obavezne elektronske evidencije o nabavljanju, držanju i nošenju oružja o osobama koje drže i nose oružje i o ostalim relevantnim podacima u skladu sa Zakonom i podzakonskim aktima; pruža pravnu pomoć građanima u vezi sa ostvarivanjem njihovih prava; obavlja administrativne poslove iz oblasti Zakona o oružju i municiji, Zakona o prometu eksplozivnih materija i zapaljivih tečnosti i Zakona o kontroli kretanja oružja i vojne opreme; prikuplja, sređiva, evidentira obradu podataka prema metodološkim i drugim uputstvima i uspostavljanje odgovarajućih dokumentacionih materijala iz oblasti Zakona o oružju i municiji, Zakona o prometu eksplozivnih materija i zapaljivih tečnosti; izrađuje analitičke, informativne i druge materijale u okviru propisane metodologije, a na osnovu službenih evidencija i odgovarajućih podataka; obavlja i druge poslove vezane za opis poslova radnog mjesta koje mu odredi neposredni rukovodilac.

V Uvjeti za obavljanje poslova radnog mjesta

Pored općih uvjeta utvrđenih u članu 35. Zakona o državnoj službi u Unsko-sanskom kantonu kandidat mora ispunjavati i posebne uvjete utvrđene Pravilnikom o unutrašnjoj organizaciji Ministarstva unutrašnjih poslova Unsko-sanskog kantona broj: 05-01-02-48/17 od 05.10.2018. godine, broj: 05-01-02-48/17 od 19.09.2019. godine, broj: 05-01-02-48/17 od 02.12.2019. godine, broj: 05-01-02-48/17 od 29.12.2021. godine, broj: 05-01-02-48/17 od 14.06.2022. godine i broj: 05-01-02-48/17 od 05.08.2022. godine, za radno mjesto za koja je raspisan Javni konkurs.

Opći uvjeti za radno mjesto

Da bi bilo postavljeno na radno mjesto državnog službenika lice mora ispunjavati sljedeće opće uvjete:

- a) da je državljanin Bosne i Hercegovine,
- b) da je starije od 18 godina,
- c) da ima univerzitetsku diplomu ili diplomu druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovnih djelatnosti i pomoćno tehnički poslovi i uvjeti za njihovo obavljanje u organima državne službe u Kantonu;
- d) da je zdravstveno sposobno za obavljanje poslova utvrđenih za to radno mjesto,
- e) da u posljednje dvije godine od dana objavljivanja upražnjenog radnog mjesta lice nije otpušeno iz državne službe kao rezultat disciplinske mjere, na bilo kojem nivou vlasti u Bosni i Hercegovini,
- f) da nije obuhvaćeno odredbom člana IX.1. Ustava Bosne i Hercegovine,
- g) da se protiv njega ne vodi krivični postupak.

Posebni uvjeti za radno mjesto

- a) diploma visokog obrazovanja najmanje VII stepen kriminalističke, pravne ili ekonomske struke ili diploma visokog obrazovanja prvog (najmanje 180 ECTS), drugog ili trećeg ciklusa Bolonjskog sistema studiranja kriminalističke, pravne ili ekonomske struke,
- b) najmanje 1 godina radnog iskustva
- c) položen stručni ispit
- d) poznavanje rada na računaru
- e) stepen tajnosti: „POVJERLJIVO“.

VI Prijavljivanje na konkurs i spisak potrebnih dokumenata kojima se dokazuje ispunjavanje uvjeta konkursa

Kandidati se prijavljuju na konkurs dostavljanjem prijave.

Prijavu je potrebno svojeručno potpisati.

Kandidati su dužni uz svoju prijavu na javni konkurs dostaviti originale ili ovjerene kopije sljedeće dokumentacije (original ili ovjerene kopije ne mogu biti starije od 6 mjeseci):

- a) Prijava na Javni konkurs sa kratkom biografijom i kontakt podacima (adresa i broj telefona),
- b) Izvod iz matične knjige rođenih,
- c) Izvod iz matične knjige državljana (Uvjerenje o državljanstvu),
- d) Diploma/Svjedočanstvo o završenoj stručnoj spremi odgovarajućeg smjera tražena Javnim konkursom. Diploma mora biti nostrificirana ukoliko diploma nije stečena u Bosni i Hercegovini ili ako je diploma stečena u nekoj od država nastalih raspadom SFRJ nakon 06.04.1992. godine,
- e) Uvjerenje o radnom iskustvu,
- f) Dokaz o položenom stručnom ispitu (ispit općeg znanja i dr.),
- g) Ovjerena izjava da kandidat u posljednje dvije godine od dana objavljivanja upražnjenog radnog mjesta nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini,
- h) Ovjerena izjava da kandidat nije obuhvaćen odredbom člana IX.1. Ustava Bosne i Hercegovine,
- j) dokaz o poznavanju rada na računaru.

NAPOMENA:

Kandidat koji bude izabran u obavezi je dostaviti Uvjerenje da se protiv njega ne vodi krivični postupak i Ljekarsko uvjerenje da je sposoban za obavljanje poslova utvrđenih za radno mjesto iz Javnog konkursa.

Lica koja su rođena poslije 1980. godine nisu dužna dostaviti dokaz o ispunjavanju uvjeta iz tačke h) - ovjerena izjava da kandidat nije obuhvaćen odredbom člana IX.1. Ustava Bosne i Hercegovine.

Poseban uvjet koji se odnosi na stepen tajnosti: „POVJERLJIVO“, organ će utvrditi po službenoj dužnosti u smislu odredbi člana 30. i 31. Zakona o zaštiti tajnih podataka („Službeni glasnik BiH“, broj: 54/05 i 12/09), a izabrani kandidat će nakon donošenja rješenja o postavljenju, preuzeti dužnost nakon što rješenje o sigurnosnim provjerama postane konačno.

VII Provođenje i objavljivanje javnog konkursa

Javni konkurs provodi se u skladu sa Pravilnikom o uslovima i načinu odabira kandidata za prijem u organ državne službe na određeno vrijeme (“Službeni glasnik Unsko-sanskog kantona”, broj: 23/17). Datum objave Javnog konkursa na internet stranici Ministarstva unutrašnjih poslova Unsko-sanskog kantona je 05.07.2024. godine.

Javni konkurs će biti objavljen i u dnevnim novinama „Dnevni avaz”.

Javni konkurs ostaje otvoren 8 (osam) dana od dana posljednje objave.

VIII Rok za podnošenje prijave, mjesto i način dostavljanja prijave

Prijava na javni konkurs sa traženim dokumentima podnosi se u roku od 8 (osam) dana od dana posljednje objave.

Prijava se podnosi u zatvorenoj koverti neposredno na pisarnici Ministarstva unutrašnjih poslova Unsko-sanskog kantona, 502.Viteške brigade broj: 2., Bihać ili se dostavlja putem pošte preporučeno na adresu:

Unsko-sanski kanton
Ministarstvo unutrašnjih poslova Unsko-sanskog kantona
Uprava policije
Komisija za izbor državnog službenika na određeno vrijeme u Upravi policije
502.Viteške brigade broj: 2.
77000 Bihać

sa naznakom

*“JAVNI KONKURS
za prijem državnog službenika na određeno vrijeme u Upravi policije
Ministarstva unutrašnjih poslova Unsko-sanskog kantona
Prva policijska uprava
Policijska stanica Bosanski Petrovac
Stručni saradnik za provođenje propisa o oružju”*

Neblagovremene, nepotpune i neuredne prijave neće se uzeti u razmatranje.
Kandidatima koji ne budu izabrani dokumentacija se neće vraćati.



502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba, info@mupusk.gov.ba